



Ramhlun North YMA Chanchinbu

“YMA thuvawn: YMA chu tanpui ngaite tanpuitu a ni”



YMA thiltum: 1. Hunawl hman that. 2. Zofate hmasawinna ngaihtuah. 3. Kristian nun dan tha ngaihsan

Vol. 43	Issue No. 15	Ramhlun North: Ni 12 April, 2025
BRANCH THU THAR ■ April ni 11, 2024 zana RN YMA Executive Committee Meeting neih tum, kan vengin chhiat kan tawh avanga kan thulh tak chu hetiang hian a hun ruat thar a ni. A hun: April ni 15, 2025 (Thawhlehi), zan dar 7:00 A hmun: YMA Committee Room ■ Central YMA buatsaih Tuihna humhalh Video Clip insiamsiaka kan Branch Video chu Central YMA Youtube Chanel-ah dahchhuah a ni a. Veng mipui te lo en nawn awn awn turin kan insawm e. En tam hian kawno a su dawn si a. ‘Superman A Tuihal’ tih a ni e. ■ Library Sub-Committee: Vawiin hian Library Sub Committee member te Library-ah an hnattlang. ■ Local Traffic Management Committee Thu: Local Traffic Management Committee Ramhlun North chuan, veng chhungah ni 1.05.2025 atang hian hma lak tan a ni tawh dawn a. Veng chhunga lir thei nei Garage la nei lo, kawng kam leh hmun remchang lai a lirthei dahtu zawng zawngte Garage nei vek turin kan inhriattir nawn leh a ni e. Ni 1.05.2025 atang chuan No Parking leh Turning Point tarna laia dah luite leh zan riaka kawng sir a lir thei dah luite chu ngaihna thiamna awm lova man zel an ni tawh dawn a ni, lirthei mante chu LMV ah Rs-500/- Two Wheeler ah Rs-200/- an chawi zel angai dawn a ni. Chutih rualin Veng dang / khaw dang atanga lo kal (Mikhual) zan riak tur lirthei lo keng te tan, Main Road parking awl remchang laia, zan riakin lir thei dah phal a ni a, zing dar 8:00 hmain an lir thei te lak chhuah leh tur a ni ang. Hei hi veng chhung mipuite'n hriattimaah ngaia lo inruahman lawk turin Local Traffic Management Committee Ramhlun North-te chuan kan ngen a ni e.	CENTRAL CO-ORDINATION COMMITTEE VAWI 102-NA (Palai 222 kal) Ramhlun North, the 12th April, 2025: Ni 08.04.2025 : Vawiin 08.04.25 (Nilaini) khan YMA Rorelna sang Central Co-ordination Committee (CCC) vawi 102 chu Central YMA Hall, Tuikhuahtlang Aizawlah neih a ni. He hunah hian YMA Rorelna inkhawmpui Ni 24.10.2024 a neih zawh taka Rorel hrang hrangte bawhzui anih dan leh hmalak zel dan turte ngaihtuah a ni. A. YMA KHAWIH: 1. Faina leh thianglimna kawnga hma kan sawn theih nan bawlhhlawh paih dan inzirtirna neih ni rawh se tih chu hmalakna kal mek inhrilhfhia a sawi ho a nih hnu in a tul anga hmalak chhunzawm zel nise kan ti. 2. Plastic bur/bottle-in kan ram a tihchhiat nasat avangin, a hman tlem dan inzirtir leh thil danga hman tangkai dan kawng zawn ni rawh se tih chu hmalakna kal mek inhrilhfhia a sawi ho anih hnu in plastic bur / bottle hmantlemna kawngah uar zawkin hmalakna kalpui zel nise, a hman tangkai dan tur chuangchangah pawh tul anga hmalak chhunzawm zel nise kan ti. 3. Kuntin a Furpui a lo thlen dawnin hemi ken tel chhiatna hrang hrang laka lo inven lawkna turin ‘Fimkhurna Hapta/Thla’ ram pumah hman thin ni rawh se tih chu hmalakna kal mek inhrilhfhia a niin kumin April thla hi fimkhurna thla atana hman mek a niin hei hi Sub.Hqrs, Group leh Branch ten mahni huam chhung theuh uluk leh fimkhur taka hman nise kan ti. 4. Mizoram chhunga kawngpui kan neih te hi a vil kawngah YMA-in hma la rawh se tih chu hemi kawngah hmala tura Monitoring Team / Committee din anih thu leh Monitoring Committee hmalakna hrang hrangte ngaihtlak a niin kan ramah kawngpui tha kan neih theih nan nasa zawka hmalakna kalpui zel nise kan ti. 5. Ruihhlo Do kawngah YMA-in tun aia chak zawkin hma la rawh se tih chu hemi kawnga hmalakna kal mek te inhrilhfhia a sawi ho a niin hemi kawnga hian chak leh zuala hmalak zel nise kan ti. 6. Mizo tawng humhalh kawnga YMA hmalak mekna hi chak zawka kalpui ni rawh se tih chu hmalakna kal mek inhrilhfhia a niin chak leh zuala hmalak nise kan ti. 7. YMA Inkhawmpui Lian neih loh kumah Sub-Hqrs. YMA Inkhawmpui neih ni rawh se tih chu Sub.Hqrs hruiatu term laklawhte chu pawhse nise, Sub.Hqrs hnuaia Group inkhawmpui leh Rorel inkhawm siam rem chu Sub.Hqrs kutah dah a ni. 8. Company/Corporate ten Mizoram chhungah CSR tam zawk an hman theih nan Central YMA-in hma la rawh se tih chu hemi zirchiang tu tur Central YMA in Committee a din te hmalakna te inhrilhfhia a niin a tul anga hmalak chhunzawm zel nise kan ti. (phek 3-naah chhunzawm a ni) AIZAWL LEH FAINA Central YMA,UD&PA Department leh AMC tangkawp thukhawm ‘Coordination Committee for Municipal Solid Waste Management in Aizawl’ in a ruahman angin March ni 31, 2025 khan Aizawl khawpui chhungah Faina Hnatlangpui neih a ni a. Chhiat tawh leh chhan dang avanga Branch hnatlang ve thei lo an awm zeuh zeuh chungin YMA Branch 90 laiin he ni pual hian mahni veng chhung theuha hnatlangpui neiin, kawng kam, luikawr leh vantlang zunin te bakah vengchhunga hmun tawp hnawh leh bal zual lai te an ti fai a ni. Faina hnatlangpuiah hian mi 18,000 chuang hnatlangin an thawk chhuak a, bawlhhlawh kg 10,000 chuang thenfai niin, bawlhhlawh (dry waste) thenfai hi garbage bag 4800 aia tam fe Aizawl Solid Waste Management Centre (SWMC), Tuirial ah paih a ni. Ministry of Housing & Urban Affairs (MoHUA) in a tarlan danin Aizawl khawpui chhungah hian nitina mi pakhatin bawlhhlawh a siam chhuah hi 0.45 kg niin, in pakhat atang hian nitin bawlhhlawh 4-5 kg siamchhuak anga chhut a ni a. UD&PA Department chuan bawlhhlawh tawih thei lo te, in sak leh thiahna bungrua te leh damdawiin bawlhhlawh sawngbawlna tur hmun hrang hrangah a bun mek a. Aizawl khawpuia cheng mipuite hi kan tan rual a, bawlhhlawh thliar hran kawnga tan kan lak thar a pawimawh hle dawn bawh a ni. Tin, Aizawl khawpui faina leh changkanna hi kan kutah theuh a awm tih hre chungin i tang tlang zel ang u!	



HAUSAKNA HLU BER

Mi neih ang kan nei phak ve lo a ni thei, mi dinhmun ângah kan ding ve thei lo pawh a ni thei, chumi avâng chuan inhmuh hniam in beidawng lo ila. Mite neih ang nei tur leh mite dinhmun ânga ding tur ngawt a siam kan ni bik lo, mi dangte nen kan kawng atana ruat chu a hran daih a ni, nangmah ang kha tumah tung chhova kal zingah an awm lo, chuvangin kan neih tawh leh dinhmunah lungawi i la, chu lungawina chuan kan hmasawn zelna tur erawh a dal lo ang. Lungawina hi hausakna hlu ber a ni a, sum ngah ngawt hi hausakna a ni lo.

Mahni phak tawkah taimak chhuah a, mahni thawh chhuah tawh hman zai dan zir hi kan mamawh hle niin a lang, sum hman chu kan thiam, hman daih zai dan êrawh kan zir deuh a ngai, mahni hlawn pawh indaih lo reng renga kan awm fo chhan hi chu a hman chhuah lam kan thiam loh vang kan ti dawn nge kan thiam lutuk vang kan ti zawk dawn.

Khawvela kan awm chhung chuan sum hi tute pawn kan mamawh a, kan mamawhna hi duhamna-a kual khung loh hram tum a tha hle, mamawhna hi duhamna in a kual khung tawh chuan kan mamawh tawkah kan lungawi tawh lo va, kan lak luh theih chin aia tam duhin thil dik lo tih in a zui duh fo.

Mite neih ang nei ve zel tum hi rilru changkang zia a ni lo va, mite neih ang nei tum ve ngawt ai chuan, mahni mamawh tawh nei tura taimak chhuah hi a changkang zawk. Kan mamawh ni lo, kan duh zawng ngawt kan um luatah kan duh loh thlengin kan lak luh phah fo a nih hi.

Tum pawh nei lo va, a tla chawpa nun tawp hi hahdam viau mahse thachhiatna a keng tel fo thung. Kan thil tum zawng zawng hi a hlawnhtling vek kher lo va, a hlawnhtlin loh avânga beidawn ngawt erawh a dik hauh lo thung.

Hringnun chhiar thiam tur chuan Lungawina neih a tul hmasa ber a, lungawina tel lo chuan nun a nuam thei ngai lo, kan neih tawkah lungawi ila, kan neih tawh enkawl dan zir bawh tur a ni.



MURA PÛK

Mura Pûk kan tih hi Mizoram hmun hrang hrangah a awm a. Champhai District ah chuan Zote khaw lu-ah leh Ruantlangah a awm a. Zote khaw daia mi phei chu Mizoram Sawrkar Art & Culture Department chuan Mizoram Ancient Monuments and Archeological Sites and Remains Act, 2001 hnuaiah a humhalh mek a ni. Tin, Vangchhe khuaa Ralven Pûk an tih leh Laituma Pûk an tihte pawh Mura Pûk a siam phung a inâng khawp mai. Rin dan chuan heng hmun hrang hranga MURA PÛK kan tihte hi Mura hlauh vânga an tawmna atana an siam a ni thei tak tak a, khua leh khua indo a, in run thin an nih avângin ral venna hmun atana an hman thin Ral ven pûk a ni thei a, thlipui leh rial laka an inhum nana heng pûkte hi an siam a ni thei bawh.

Mura Pûk Zote khaw dai, khaw hlui tlanga awm hi a hma chuan pasarih niin sawi a ni a, tunah erawh chuan paruk chauh hmuh theih in a awm. Pakhat bo ta hi leimin in a chhilh bo niin an sawi. Heng pûk parukte zau zawng hetiang hi a ni :-

#1. Pûk sei zawng 10ft.

A zau zawng 5.11ft.

A san zawng 3.9ft.

#2. Pûk sei zawng 6.3ft.

A zau zawng 5ft.

A san zawng 3.2ft.

#3. Pûk sei zawng 6.3ft.

A zau zawng 6.2ft.

A san zawng 2.8ft.

#4. Pûk sei zawng 8ft.

A zau zawng 6ft.

A san zawng 3.7ft.

#5. Pûk sei zawng 7ft.

A zau zawng 3ft.

A san zawng 2.8ft.

#6. Pûk sei zawng 7ft.

A zau zawng 4ft.

A san zawng 3ft.

Mura Pûk Ruantlang dai a mi erawh chu mimal rama awm a nih vâng nge, enkawl leh chei hnum a hlawn lem lova, uluk leh tha zawka enkawl a duhawm hle mai. A zau zawng hi 5ft bial vel a ni.

Mizo thawnthuah hian ramsa thawnthu hi eng emaw zat kan nei a. Ramsa thawnthu kan sawi apianga kan sawi tel ve ziah thin chu MURA chanchin hi a ni. Mura chungchangah hian hmun hrang hrangah sawi dan hrang hrang a awm a. Eng pawh

nise, a thawnthu tlangpui hetiang hian han sawi ila -

Hmanlai hian Mu lian em em mai hi a awm a, a hming chu MURA an ti. Bûngpui lian em em chungah bu lian tam mai a chhep a, a bu a chheh nan pawh thingtang lian pui pui leh chhawl a hmang a. A hmui leh ke tinte chu rapthlâk khawpin a lian a ni, an ti. A han thlawkte hi chhum hliap ang main a hlim chu a kal duai duai mai thin a, a thla zapte pawh chuan thli a tithaw vuk vuk a, a thawm pawh a ri huau huau thei an ti.

Mura hi a lên em avângin chaw atan pawh sava leh thehlei tih mai mai hian a tipuar zo lova, ramsa lian pangngai chauh a man thin. Mihring ran vulhte pawh a man fova, ran mai pawh ni lovin naupang hial pawh a man thin a ni. A ril a tam tawh chuan van sangah thlawkin a hram lauh lauh a. Amah a lên ang bawkin thlawh pawh a thlawk chak a, a mit a var in man tuma a beih tawh chu a man tlangpui a, an insaseng hman thin lo a ni.

Mura hi a chenna ngaiyah cheng reng lovin a kal kual ve fova. A kal tawhna lamah chuan naupang tualchai rualte chu tualchai ngam lovin inah an tawm tlat thin a ni. Mihring a beih dawn chuan in chhun chungah nghing lawih khawpin a han tum a, a thla lehlam lehlam chuan in chu a tuam hlup mai a, a mei sei tak chuan kawmchar lam atânga in chhunga awm chu hawl chhuakin a lu lam chuan kawngkapui lamah a lo chang thin a, a meiin a hawl chhuah chu a lo chuk thlu a, a man mai thin an ti. He thu hi thawnthu viauin lang mahse, kan pi leh pute hunah khan in lian deuh a awm laiin a tam ber chu in te reuh te te an ni hlawn. Dungtlang khaw hmun hlui a in hmun hlui la hmuh theih atâng pawhin ngaihruatna a neih theih awm e. Khang hun laia in kha chu Mura lian tak tan chuan a bawh tawh tak tak theih mai awm e.

Chutianga taka hlauhawm chu a ni a, an hnaivaiah rawn kal thut thei reng a nih avângin an feh hlana an fate lo tawm himna hmun tur pûk nu leh pate'n an lai thin. Mura hnaia an hriat chuan nu leh pate chuan an feh hlanin pûk an laiiah chuan naupangho an awm tir thin a, thlamuang takin an feh san thei thin an ti. Chung pûk chu Mura Pûk kan tih hi a ni.

A thawnthu hi chutianga han sawi zui vak tur erawh a awm lo a. Mahse, heng pûkte hi eng tik hunlaia siam nge a nih hriat a ni lova, kum 1899 ah Pu Laitea te hovin Zote khua an din thar leh lai pawh khan, an lo awm reng tawh a, khatih hunlai pawh khan 'Mura Pûk' tiin a hming an lo sawi tawh.

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalnuntluanga, Vanengmawia

Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma

Circulation Managers: PB Lahuapzauva, Samuel Lahlupuia, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

DAMLO

- Rev.C. Biakmawia, T-Sec. chu dam takin damdawiin atangin a lo chhuak.
- Dr. K. Mankima, N-Sec. chu motor accident avangin a kawng ruh ZMC & H, Falkawnah zai a ni.
- Pu K. Lalmuansanga, N-Sec. chu damdawiin atangin a lo chhuak.
- Pi Lalliani w/o Vanlalkunga(L) S-Sec. chu Aizawl Hospital atangin a lo chhuak
- Miriam Zomawii Sailo d/o Lalhriatpuia Sailo, T-Sec. chu natna hrang hrang avangin Ebenezer Hospital-ah enkawl mek a ni.
- Pi Rosangi w/o H. Thantluanga (L), V-Sec. chu LRM Hospital-ah enkawl mek a ni.
- Pu C. Laldinpuia, S-Sec. chu Synod Hospital, Durtlang atangin a lo chhuak.
- Pi C. Zothankhumi w/o LH Thanga, V-Sec. chu natna hrang hrang avangin Greenwood Hospital-ah enkawl mek a ni.
- Ian Zonunpuia Faihriam s/o Michael F. Lalawmpuia, N-Sec. chu LRM Hospital-ah enkawl mek a ni.
- Pi Sakhmingmawii w/o Tlankima, K-Sec. chu Typhoid leh natna dang dang avangin ZMC&H -ah enkawl mek a ni.
- Zosangliani d/o Laldusanga K-Sec. chu Rannung seh natna avangin Synod Hospital, Durtlang ah enkawl mek a ni.
- Lalduhawma h/o Hranglawmi, N-Sec. chu Zemabawk Cancer Hospital-ah enkawl mek a ni.
- Jovan Vanengmawia s/o C. Remruatfela, C-Sec. Ebenezer Hospital-a awm chu a lo chhuak leh ta.
- Celine Lalruatkimi d/o Lalthlengkima, S-Sec. chu LRM Hospital-ah enkawl mek a ni.

KEIMAHNI

- Local Council te chuan kan thingpui inna tur tiin pawisa thahnem zet mai minrawn pe hnur mai. Kan va han lawm tak em. Kan hmui pawh a mawm hmak mai.

LAWMAWM

- Lalbiakzama s/o Larry Chunglura (L), N-Sec. leh Lalmuankimi, Salem Vengte chuni 10.04.2025 khan Presbyterian Kohhran Senior Hall-ah an innei.

ZIN & HAW

- Pi Lallianpuii, C-Sec. leh a tute chu chhungkaw thilah Khawzawlah an zin.
- Pu Lalchhuanawma, ECM Champhai a zin chu a lo haw leh ta.
- Dr. G. Lalthianghlina, C-Sec. chu inentirin CMC Vellore-ah a châm mek.
- Pu Lalrinchhana Pulamte, C-Sec. te chhungkua Khawruhliana chhungkaw thila an zin chu an lo haw leh ta.
- NI. Lalfaktluangi d/o H. Lalruatlina, C-Sec. chu chawlh hmanin Mumbai atangin a lo haw.
- Pi Baby Zorammuani w/o Er. Lalchhuana, V-Sec. chu CMC Vellore ah Thyroid zai avangin an la cham.
- NI. Remruatfeli Pulamte d/o Lalsawmzuala, C-Sec. hna thila Guwahati zin chu a lo haw leh ta.
- Pu F. Lalthangluaia, T-Sec. te chhung chu chhungkaw thil pawimawhah Champhaiah an zin.
- Pu Lalmuanpuia Colney, C-Sec. te chhungkua chu chhungte tlawhin Champhaiah an zin.
- Dr. Vanlalhlana, bialtu MLA sawrkar pawimawha New Delhi-a zin chu a lo haw leh ta.
- Pu Vanlalfaka, N-Sec. te nupa Mamit a zin chu an lo haw leh ta.

CCC THUREL CHHUNZAWMNA B. SAWRKAR KHAWIH:

1. Mizorama raltlante awmna hmun tur, enkawl dan tur leh kaihhruaina mumal tak Sawrkar-in siamin, khauh takin kengkawh zui rawh se tih chu hemi kawnga ruahmanna lo siam tu tur Central YMA in Committee a din te hmalakna thlir in hemi kawngah hian nasa zawka hmalak zel nise kan ti.
2. Mizoram Lokayukta hian thubuai chhuitu tur Investigation Agency hranpa a neih theih nan hmalak ni rawh se tih chu hemi kawnga hmala tu tur a Central YMA in Committee a din te hmalakna kal mek inhrilhfiah a niin a tul anga hmalak chhunzawm zel nise kan ti.
3. Tunlai a School thenkhatin Pawl 4 thlenga Mizo subject an la zir mumal lo hi Sawrkar-in hma la rawh se tih chu hmalakna awm mek te inhrilhfiah niin a tul anga hmalak zel nise kan ti.
4. Mizoram Education (Establishment & Management of Private School) Rules hrang hrang te (Elementary - Higher Secondary School) hi a tul anga siam tha-in, ennawn ni rawh se tih chu hmalakna kal mek inhrilhfiah a niin a tul anga hmalak zel nise kan ti.

LEI PIAH LAMAH

Lalthankimi, Kum
73 w/o Lalthanzuala (L), K-Sec. chu ni 11.04.2025 zing dar 12:05 khan a boral a, chawhnu dar 1:00 khan Ramhlun North T h l a n m u a l , Zemabawkah vui liam a ni.



Lalrempuia 36 s/o KVL
Nuntluanga, V-Sec. chu ni 11.04.2025 zing dar 5:00 khan a boral a, chawhnu dar 2:00 khan Ramhlun North Thlanmual, Zemabawkah vui liam a ni.



Lusun khawhar chhungte thlamuantu Pathianin vengin awmpui zel rawh se.

PAWL DANG

- **MHIP:CHHUNGTIN TEHNENA NGENNA**
MHIP Ramhlun North Branch Executive Committee chuan khawtlangah chhiattaw (Mitthi) an lo awmin puan a in tuam tur awm bik te leh pawl hminga pangpar pe duhte kan nih loh chuan pawisa a inral hi uar leh zual turin chhungtin te kan in ngen e .
- **MUP:** Ni 10.04.2025 khan Upa Pawl Fehchhuah hun hman a ni a, Tam dilah member 100 lai an kal a. Bus 4 leh Motor te 2 in an kal. Pu Lalsawmzuala, V-Sec. huan, Saitualah intihhlina hun an hman baw a. Kalkhawm zawng zawng te sawhchiar a lo hlui vek baw a. Pu Sawmzuala chungah hruaituten lawmthu an sawi meuh meuh a ni.

THILDANG

- Lalrinzuali, kum 32 Laipuitlang kan veng a dawr luah hnen atangin a sen chi um 61 leh heroin tictac bur 15 man a ni a, thu neitu te kutah hlan an ni.
- **Ui vulhtu te tana hriat tur:** Kan hriat theuh angin tunlai hian kan thenawm State Manipur-ah nasa takin Ui a hri (Rabies) a leng mek a. Hengte hi zawm theuh tur a ni.
 1. Ui vulhtuten ui a hri danna (Rabies vaccine) an ui vulhte an pe vek tur a ni.
 2. Khawlaiah zalen takin an ui an vah tir mai mai tur a ni lo.
 3. Khawlaiah an chhuahpui dawn a nih chuan hrui (leash) rinawm takin an kai tur a ni.
 4. An zun leh ek khawlaiah an hnutchhiah mai mai tur a ni lo.
 5. Midang tana harsatna siam thei zawngin an vulh tur a ni lo.
 6. Kan thenawm Manipur State atangin ui leh a sa lakluh khap tlat a ni.
 7. Ui khuahkhirh lovin mihring a seh chuan thla ruk (6) chhung lungin tan emaw Rs. 5000 thleng chawi theih a ni.



ARTICLE

MIDANG NGAIHVEN

- Emmanuel Thangrosanga

Kum 2023 July ni 15 khan ruah sur hnuaiah ka thianpa sawmin Aizawl veng pakhat a kan leng a, kan tlawh te chhungkua hi Kohhran Chowkidar hna thawk niin an Kohhran Biak In hnuaia quarter zim te an luah ve a ni.

An nu hi lung tha lo niin doctor ten lung ti phutu khawl 'Pace-maker' a awm vei lamah an lo phum sak tawh a, chumi ringin a nung ve hram chauh a ni. A battery a zawh chuan a lungphu a chawl ang a, thih bak duhthlan tur a nei lo.

An chhungkaw pawisa neihsa leh an puk chawp te hmangin a Pace-maker Battery chu vawi 2 an lo thlak tawh a, tuna a hman mek pawh hi thlak a ngai leh tawh a, mahse a battery man hi cheng nuai 5 chuang a nih avangin an leiba te nen an tan lei ngaihna a awm lo.

A battery chu a zawh hnai tawh avangin zingah a ri chhuak rat rat thin a, chu chuan an chhungkua a ti mangang zual khawp mai. An ban theih theih ban in an hmehhriat tha te pawh an lo pan kual vek tawh a, mahse puitu tur remchang an hmu zo mai lo a ni.

An chanchin kan zir chian hnuaiah hma kan lak sak ta a, Pathian in mipui te rilru ah hna thawkin ni 2 chhung chauh in mipui ten cheng nuai 7 chuang a lo thawh khawm a, July ni 26, 2023 tukah khan Civil Hospital, Aizawlah a Pacemaker battery thlak turin kan nawr lut ta a ni.

Darkar 3 an zai hnuaiah nurse ten an lo nawr chhuak a, a rawn sawi hmasak ber chu, "El-a, Pathian hi a awm chiang a ni" tih a ni, kan lawm lutuk chu mittui kan hru fep fep hlawn a ni.

Pathian awm thu fiah tur hian zir san a lo ni ber lova, sawi tam pawh a ni chuang in ka hre ta lo. Mi harsa leh mamawh zawk te kan ngaihven hian mi ten Pathian hmeh an hmuh phah thei a, mi beidawng pawn beiseina a neih phah thei.

In thenawm ah dam lo chhungkua an awm em, ngaihven la a theih chuan tlawh chhuak ve rawh. Khawsak harsa deuh an awm pawn an tan ban i phar chhuak ang u, midang tel ve loh malsawmna hi malsawmna tuan tling a ni ngai love.

Kan khawvel changkan leh awlsamna te hian inngaihven hlei thei lo khawpin min siam tan mek niin a lang. Dam loh leh chhiat tawh nikhua te hian whatsapp status a in hman ah te kan duh tawh a, veng pakhat a chhiat tawh chhungkua te chuan mitthi ralna G-pay a an dawn tam ber thu min lo hrilh, a awlsam rualin a kim lo deuh mange aw ka lo ti a.

Khawvel changkanna in a ken tel thil te hi hman loh tawp erawh a har ang, mahse kan routine ah hian midang leng ve rawh se! Kan hna tibuai khawpin midang i ngaihsak leh zual ang u khai, sum tam takin dam lo i tlawh ang u ka tihna phei chu a ni hauh lo.

Ngaihventu nei lo hmeithai chhungkua an tam khawp mai, hmun changkang leh a nuam chinah chauh YMA lo ila, hmun kilkhawr taka fahrah unau mi inhnuaia luah te harsatna hriatpui tur khawpin i tlawh chhuak tam ang u hmiang.

JM SEPTIC TANK SEVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a felfai a, service hlun leh rintlak kan ni e.

Rate inbiak remna.

Registration: MRS 542

Contact: 9862476439 / 9436199884

(5-1)

AADHAAR

Enrollment Centre kan ni ta e. Vengchhung leh veng hnai leh a duh apiang tan Aadhaar update, Phone link leh aadhaar la nei lo tan kan siam thei e.

CSC Ramhlun North (ESTAR)

Opposite Nazareth Hospital

Er. Zosangliana Building, Zote Arcade

3rd floor Phone: 8731875084 / 7005421131



ADVERTISEMENT

KC TUI

(10-7)

Tui thianghlim, Pickup-in 2,000 litre kan pe thei reng e. Ramhlun North veng chung tan discount kan pe e.

Ph: 7005010327 / 9774223462

SP TUI

(6-6)

Tui hna thianghlim, ei leh in tlak, litre 2000 pickup trip kan pe thei e.

Mobile: 9615789047/8730960917

TUI

5-5

Tui thianghlim litre 2000 pickup trip kan pe thei e.

Mobile: 9774395434/ 8794790682

M.S. SEPTIC TANK SERVICE

(5-2)

Septic Tank khat paih fai, commode Block, Pipe Block leh Soak pit hlui leh a thar siam repairing engkim kan thawk reng e.

Rate: Inbiakremna | Ph: 8974361224 | 7005241029

SEPTIC TANK Khat & REPAIR

Septic tank khat paih leh repair kan ti thei reng a, rate chu inbiakremna a ni ang.

Contact: 9612376373 | C/o Marina: 9436140530

(5-2)

ISAK SEPTIC TANK SERVICE

(5-2)

Septic tank khat paih fai, Comode Block, Soak pit, Pipe Fitting Repare engkim, khur chung lut in, A neitu te Lungawi na thlap in kan thawk thin e.

Ph. 9862344971, Bawngkawn south

SAWMA SEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.

Rate: Inbiakremna

Ph: 8119969364

(5-2)

LM SEPTIC TANK SERVICE

Septic Tank paih fai leh repairing engkim kan khawih thei e.

Kum 17 chuang experience nei kan ni e

Rate Rs. 4000 per trip

Ph: 6909183193

(5-2)

PJ Security Solution

(3-1)

Mimal, Dawr, School leh Office-ah tlawm takin CCTV (Security Camera) kan fit sak thei reng e. Kum tam tak experience nei tawh kan ni a, Servicing ah buaina a awm lovang.

Lalpekhluu, Tuivamit Ph: 9774163016/ 6009033303

HOLY CHILD SCHOOL

ADMISSION OPEN

Nurse to Cl-X, Principal office RSC field bulah admission a tih thei reng e.

Contact : 9436154080/ 7005612221

Office hour 10:0 am - 3:00 pm

St. STEPHEN'S SCHOOL

RAMHLUN 'N', AIZAWL

ADMISSIONS HS & HSS (Arts & Sc)

Zirtirtu tha tak te enkawina *Zirlaite hma thlir neihpuina *Zirlaibu piah lam nunphung zirtirna

FREE ADMISSION FOR CL-IX (9774632726/ 9436353625)